

ხანდაზმულთა მდგომარეობა და სათემო ორგანიზაციის მომსახურების სერვისით სარგებლობა

მაკა ლობჯანიძე

*სამაგისტრო ნაშრომი წარდგენილია ილიას სახელმწიფო უნივერსიტეტის
მეცნიერებათა და ხელოვნების ფაკულტეტზე სოციალური მუშაკის მაგისტრის
აკადემიური ხარისხის მინიჭების მოთხოვნის შესაბამისად*

პროგრამა - სოციალური მუშაობა

სამეცნიერო ხელმძღვანელი: შორენა სამაგლიშვილი, მეცნიერებათა დოქტორი

ილიას სახელმწიფო უნივერსიტეტი

თბილისი 2014

აბსტრაქტი

ნაშრომში განხილულია საქართველოში ხანდაზმულთა მდგომარეობა და მათთვის სათემო ორგანიზაციის მომსახურების სერვისის მნიშვნელობა. ამნაშრომის მიზანია შეისწავლოს სათემო ორგანიზაციის მომსახურების სერვისი. ნაშრომის ფარგლებში ჩატარებული კვლევა წარმოადგენს მცდელობას, გაზომოს ხანდაზმულთა კმაყოფილება სათემო ორგანიზაციის სერვისის მომსახურების შესახებ და შეიმუშაოს რეკომენდაციები ამ სერვისის გაუმჯობესების მიზნით, რათა ხელი შეუწყოს ხანდაზმულთა კეთილდღეობის საკითხს. კვლევაში გამოყენებული იქნა შერეული მეთოდოლოგია. კვლევის ჩატარების მიზანია ახლად გააქტიურებული სერვისის სათემო ორგანიზაციების არსებულისა და ქირობების გამოვლენა, მათი იდენტიფიცირების გზით ამ პრობლემათა და კმაყოფილების მიმართულებით მუშაობის დაწყება, რაც ხელს შეუწყობს სისტემაში არსებული მნიშვნელოვანი პრობლემების გამოვლენას.

ჩატარებული კვლევის ფარგლებში ინფორმაცია მოპოვებულ იქნა კახეთის რაიონში არსებული სათემო ორგანიზაციაში მცხოვრები ხანდაზმულებიდან, მომსახურე პერსონალიდან და სოციალური მუშაკებიდან. კვლევის შედეგად გამოვლინდა სათემო ორგანიზაციისა და ხანდაზმულებზე ზრუნვის მთელი რიგი საჭიროებები და პრობლემური საკითხები, რომელთა გაერთიანება და დაჯგუფება მოიცავს სისტემურ/სტრუქტურულ, ადმინისტრაციულ, ჯანდაცვის, ფინანსურ შესაძლებლობების განვითარებასა და არამატერიალური დახმარების თემატურ სფეროებს.

მოპოვებული ინფორმაციის დამუშავების, გაანალიზებისა და სინთეზის შედეგად შემუშავდა რიგი რეკომენდაციები სათემო ორგანიზაციის სისტემის გაუმჯობესების მიზნით, რაც მნიშვნელოვნად წაადგება სფეროში არსებული ხარვეზების აღმოფხვრასა და მოქმედი სერვისის გაუმჯობესებას.